



ВЕНГРИЯГА ТАШРИФ ҲАМКОРЛИК АЛОҚАЛАРИНИ ЮҚОРИ БОСҚИЧГА ОЛИБ ЧИҚИШГА ХИЗМАТ ҚИЛАДИ

Ўзбекистон Республикаси Президенти Шавкат Мирзиёев Венгрия томонининг таклифига биноан 3-4 октябрь кунлари расмий ташриф билан ушбу мамлакатда бўлди.



4 октябрь куни Будапешт шаҳрида Венгрия Парламентининг биноси рўпарасидаги Лайош Кошут номидаги майдонда Ўзбекистон Республикаси Президенти Шавкат Мирзиёевни расмий кутиб олиш маросими бўлиб ўтди.

Майдонда олий мартабали меҳмон шарафига пиёда ва отлик аскарлардан иборат фахрий қоровул саф тортиди. Икки мамлакат давлат мадҳиялари ижро этилди.

Президент Шавкат Мирзиёев ва Венгрия Президенти Каталин Новак расмий делегациялар аъзоларини кутладилар.

Маросим якунида фахрий қоровул тантанали саф тортиб ўтди.

Шавкат Мирзиёев Венгрияга расмий ташрифи доирасида Будапешт шаҳрининг Қахрамонлар майдонидаги Хотира устунни пойига гулчамбар қўйди.

Президентимиз Венгрия давлатчилигини барпо этишга ҳисса қўшган буюк арбоблар хотирасига ҳурмат бажо келтирди.

Ушбу маскан Будапештнинг бош майдонларидан бири бўлиб, ЮНЕСКОнинг Бутунжаҳон мероси рўйхатига киритилган. Майдон марказида Минг йиллик устунни қад ростлаган, унинг пойида можар қабилаларнинг 7 нафар бошлигининг ҳайкали ўрнатилган. Ушбу ёдгорлик венгерларнинг бугунги ватанини топиши ва Венгрия қироллигига асос солинишига бағишланган.

Мажмуада венгер халқининг атоқли намоёндалари ҳайкалларида иборат 2 та колоннада жойлашган. Ёдгорликнинг олд томонида Венгрия қахрамонлари шарафига хотира тоштахтаси ўрнатилган.

Будапешт шаҳридаги Шандор саройида Ўзбекистон Республикаси Президенти Шавкат Мирзиёевнинг Венгрия Президенти Каталин Новак билан учрашуви бўлиб ўтди.

Учрашув аввалида давлатимиз раҳбари Фахрий меҳмонлар китобида қайд қолдирди, етакчилар биргаликда суратга тушишди.

Президентлар Ўзбекистон ва Венгрия ўртасидаги кўп қиррали стратегик

шериклик муносабатларини янада кенгайтириш масалалари юзасидан фикр алмашдилар.

Халқларимизнинг азалий тарихий алоқалари муштарак қадриятлар ва дўстона муносабатларни мустаҳкамлаш учун пойдевор бўлиб хизмат қилаётгани таъкидланди. Армийинг Вамбери ва Исхак Ибрагим каби шарқшунос олимлар тарихий ришталаримиз ва бой маданий меросимизни ўрганишга катта ҳисса қўшгани алоҳида қайд этилди.

Икки томонлама ҳамкорлик жадал ривожланиб бораётгани, сиёсий мулоқот чуқурлашиб, узаро кўмак давом эттириляётгани, парламентлараро ва жамоатчилик

алоқалари кенгайиб бораётгани мамнуният билан таъкидланди.

Савдо-иқтисодий ва инвестициявий ҳамкорлиқни ривожлантириш устувор аҳамиятга эга. Кейинги йилларда товар айирбошлаш ҳажми қарийб уч баробар ошгани қайд этилди.

Бу борадаги ишларни фаоллаштиришда иқтисодий ҳамкорлик бўйича Ўзбекистон — Венгрия ҳукуматлараро комиссияси ва 3 октябрь куни Будапештда иккинчи йиғилишини ўтказган Ўзбекистон — Венгрия Ишбилармонлар кенгаши муҳим ўрин тутмоқда.

Томонлар Ўзбекистон Европа Иттифоқининг GSP+ преференциялар тизимига қўшилгани узаро савдонинг салмоқли

даражада кўпайтириш ва диверсификация қилиш учун янги имкониятлар очишни таъкидладилар.

Ўзбекистон — Венгрия ҳамкорлигини ривожлантиришда маданий-гуманитар соҳа алоҳида ўринга эга. Венгрия ҳукумати "Хунгарикум" дастури доирасида ўзбекистонлик талаба ва докторантлар учун ҳар йили ажратилган квотани 170 тагача ошириш тўғрисидаги қарорни қабул қилгани айтилди.

Ўзбекистон ва Венгрия олий таълим муассасалари ректорларининг иккинчи форумини ўтказиш мақсада мувофиқлиги кўрсатиб ўтилди.

▶ Давоми 2-бетда

ХОРИЖИЙ ЭКСПЕРТЛАР ФИКРИ

ЎЗБЕКИСТОН ПРЕЗИДЕНТИНИНГ ВЕНГРИЯГА РАСМИЙ ТАШРИФИ ЎЗARO МУНОСАБАТЛАРНИ ЯНАДА ФАОЛЛАШТИРАДИ

Ўзбекистон Президенти Шавкат Мирзиёевнинг 3-4 октябрь кунлари Венгрияга расмий ташрифи, мазкур тарихий воқеа доирасида имзоланган ҳужжатлар ҳамда эришилган келишувлар мазмун-моҳияти ва аҳамияти нуқтаи назаридан жуда самарали бўлди.

Хусусан, хорижий экспертлар, сиёсий таҳлил доиралари вакиллари давлатимиз раҳбарининг Венгрияга ташрифини икки томонлама муносабатларда муҳим босқич бўлишини, икки мамлакат халқлари фаровонлиги йўлидаги ҳамкорлик алоқаларини янада чуқурлаштириш ҳамда кенгайтиришга катта тўртки беришини таъкидламоқда.

▶ Давоми 2-бетда



ТАРАҚҚИЁТ ЙЎЛИ

ЗАМОНАВИЙ ДАВЛАТ ФУҚАРОЛИК ХИЗМАТИ

жамият ривожини янги босқичга кўтаришда пойдевор яратади

Бугун Янги Ўзбекистонни барпо этиш, Учинчи Ренессанс пойдеворини яратиш ҳар бир соҳада туб ўзгаришларни талаб этмоқда. Бу машаққатли ва шарафли йўлда ислохотлар шиддатига жавоб бера оладиган, олдига қўйилган ва истиқболдаги вазифаларни ўз вақтида ҳамда самарали бажара оладиган давлат хизматчилари корпусини шакллантириш ҳар қачонгидан ҳам долзарб бўлиб бормоқда.



Дунёда турли қарама-қаршиликлар юзга келаётган, иқлим ўзгариши, сув ва табиий ресурслар етишмаслиги, пандемиянинг ижтимоий-иқтисодий оқибатлари, энергетика ва озик-овқат хафсизлиги инқирози каби ўткир

муаммолар кузатилаётган бир шароитда давлат хизмати таркиби самарадорлиги мамлакатнинг халқаро майдондаги рақобатдорлигини белгилаб беради.

▶ Давоми 3-бетда

ЮКСАЛИШ ПАЛЛАСИ

АГРОТРАНСФОРМАЦИЯ

Ёшлар учун билим ва имкониятлар майдони

Қишлоқ хўжалиги аллақачон илғор технологияларга асосланган замонавий соҳалардан бирига айланди. Унда фаолият олиб боришни истаётган ёшларнинг билимини ошириш, соҳага кенгроқ жалб этиш, хориж тажрибаси асосида агротадбиркорликни ривожлантириш йил сайин фаоллашиб борапти. Айниқса, бу борадаги халқаро ва маҳаллий йирик лойиҳалар минглаб йигит-қизларда қизиқиш уйғотмоқда.

▶ Давоми 5-бетда

ТАҲЛИЛ ВА ТАҚҚОС

ИҚТИСОДИЙ ҲАМКОРЛИК ДАРАЖАСИ

аҳоли жон бошига яратилган реал ялпи ички маҳсулот миқдори билан белгиланади

Ялпи ички маҳсулот ўсишини таъминлаш ҳар қандай мамлакат иқтисодий сиёсатининг асосий мақсади. Ишлаб чиқаришнинг илғор тузилмасига, юқори меҳнат унумдорлигига, ички ва ташқи бозорда талаб юқори бўлган рақобатбардош маҳсулотлар экспортга, хизматлар кўрсатиш даражаси ва сифатининг

ошишига эришиш унинг таянч устунлари ҳисобланади.

Ана шундан келиб чиққан ҳолда, халқаро молиявий идоралар ҳар бир мамлакат ва глобал иқтисодийнинг аҳволига баҳо беради.

Хусусан, Жаҳон банки шу йил бошида эълон қилган истиқбол ҳисоботида Ўзбекистон яқин

икки йил ичида иқтисодий ўсиш бўйича Марказий Осиёнинг барча давлатларидан ўзиб кетишини, 2022 йилда 5,6 фоиз, 2023 йилда эса 5,8 фоиз ўсишга эришишини прогноз қилган эди.

▶ Давоми 4-бетда

ТАҲЛИЛ ВА ТАҚҚОС

Абдурауф ҚОРЖОВОВ,
иқтисодий шарҳловчи

66

Мустақил Ўзбекистонни иқтисодий жиҳатдан ривожлантириш йўналишидаги янги ислохотлар 2017 йилдан бошлаб тубдан ўзгарди ва амалда ўз самарасини бера бошлади. Жумладан, 2017-2020 йилларда мамлакатимизнинг иқтисодий ўсиш даражаси 18,3 фоизни ташкил этиб, ЯИМ 60 миллиард долларга етди. Агар 2017 йилда аҳоли жон бошига ЯИМ 7,7 миллион сўмни (948 доллар) ташкил этган бўлса, 2020 йилга келиб аҳоли умумий даромадлари ҳажми 401,5 триллион сўмни ташкил этди ва 2019 йилнинг мос даврига нисбатан реал ўсиши 2,6 фоизга ошди.

Агар 2017 йилда аҳоли жон бошига ЯИМ 7,7 миллион сўмни (948 доллар) ташкил этган бўлса, 2020 йилга келиб аҳоли умумий даромадлари ҳажми 401,5 триллион сўмни ташкил этди ва 2019 йилнинг мос даврига нисбатан реал ўсиши 2,6 фоизга ошди. 2020 йил натижаларига таянган ҳолда, бу борадаги ҳолатни Иқтисодий тадқиқотлар ва ислохотлар маркази директори Обид Ҳакимов шундай изоҳлаган эди:

“Аҳоли жон бошига тўғри келадиган ЯИМ тушунчасини аҳоли даромадлари билан аралаштириб юбормаслик керак. Кўпчиликда саволлар ва тушунмовчиликлар бор. ЯИМ деганда биз 1 йил ичида мамлакатда яратилган барча товарлар ва хизматларнинг умумий бозор қийматини тушунамиз. Масалан, агар биз мамлакатда 60 миллиард долларлик ЯИМни яратадиган бўлсак, унинг бир қисми одамларнинг иш ҳақи, қолган қисми эса ускуналар эгаларининг улуши. Ва ҳар бир алоҳида ишлаб чиқаришда иштирок этадиган омишлар ўз хиссасини қўшади. Бу шунинг аниқлиги, ҳисоблашда биз ЯИМни аҳоли сонига ажратамиз ва аҳоли жон бошига ЯИМ йиғиндисини оламиз. Ўзбекистонда ялпи ички маҳсулот ҳозирда номинал бўйича тахминан 1750 долларга тенг.



ИҚТИСОДИЙ ЎСИШ ДАРАЖАСИ

аҳоли жон бошига яратилган реал ялпи ички маҳсулот миқдори билан белгиланади

Бошланиши 1-бетда

Дунёдаги вазиятнинг шиддат билан ўзгариши, қарама-қаршилик ва можароларнинг кузатилиши халқаро молия идораларининг таҳлил ва баҳоратлари қайта-қайта ўзгаришига сабаб бўлмоқда.

Президентимиз Самарқандда бўлиб ўтган Шанхай ҳамкорлик ташкилотига аъзо давлатлар раҳбарлари кенгашининг мажлисидаги нутқида дунёда иқлим ўзгариши, сув ва табиий ресурсларнинг етишмаслиги, пандемиянинг ижтимоий-иқтисодий оқибатлари, энергетика ва озик-овқат хавфсизлиги инқирози каби муаммолар барқарор ривожланиш учун жиддий хавф туғдираётганини алоҳида таъкидлаган эди.

ЎЗБЕКИСТОН ДАРОМАДИ ЎРТАЧАДАН ЮҚОРИ МАМЛАКАТЛАР ҚАТОРИДАН ҚАЧОН ЖОЙ ОЛАДИ?

Халқаро молия муассасаларининг жорий йил июнь ойи бошидаги таҳлилда жаҳон иқтисодиёти ўсиши ўтган йилги 5,7 фоизга нисбатан 2,9 фоизга секинлашди, вазиятдан энг кўп зарар кўраётган Европа ва Марказий Осиё макроминтақасининг ялпи ички маҳсулоти 2022 йилда 2,9 фоизга қисқариши (илгари 3 фоизга ўсиши кутилган) қайд этилди. Улар Ўзбекистон иқтисодиётининг ўсиши бўйича ўз тахминларини қайта кўриб чиқди. Жумладан, Осиё тараққиёт банки ўз прогнозини 4,5 фоизга, Европа тикланиш ва тараққиёт банки — 4 фоизга, S&P — 3,5 фоизга, Халқаро валюта жағмармаси — 3,4 фоизга, Fitch — 3,1 фоизга туширган эди.

Яқинда Осиё тараққиёт банки Ўзбекистон иқтисодиёти бу йил 5, келаси йил 5,5 фоизга, Европа тикланиш ва тараққиёт банки эса мос равишда 5,5 ва 6,5 фоизга, Fitch Ratings эса реал иқтисодий ўсиш суръати бўйича кутилмасини 5,1 ва 5,5 фоизга яхшиланганини прогноз қилди. Бошқа қатор халқаро молия идоралари ҳам янги ҳисоботларида мамлакатимиз ялпи ички маҳсулоти ҳажмининг янада ўсишига доир тахминларини илгари сурапти.

Иқтисод фанлари доктори, профессор Нуриддин Тўхтевийнинг фикрича, иқтисодий ўсиш мамлакат иқтисодиёти ривожланишининг умумий ҳолатини ифодалайди. Реал ялпи ички маҳсулот ҳажмининг ўзгариши мамлакат иқтисодиёти ҳолати ва динамикаси тўғрисида маълумот берса-да, иқтисодий ўсишнинг тўлиқ ақс эттирмайди. Масалан, мамлакат аҳолисининг ўсиш суръати 3 фоизни, реал ЯИМнинг ўсиши ҳам 3 фоизни ташкил этди. Бундай ҳолатда, гарчи ЯИМ ҳажми ўсган бўлса-да, кишиларнинг даромадлари ўзгармай қолади. Шу сабабли иқтисодий ўсишни тўлароқ ақс эттириш учун бошқа бир кўрсаткич — аҳоли жон бошига ишлаб чиқарилган реал ЯИМнинг ўзгариши қўлланилади.

Реал ЯИМ ҳажмининг ўзгариши, умуман, мамлакат иқтисодиётининг муайян давр оралиғидаги ривожланишини ифода қилади, аҳоли жон бошига тўғри келадиган реал ЯИМ ҳажмининг ўзгариши иқтисодий ривожланишга кишилар турмуш даражаси орқали баҳо беришга хизмат қилади.

Маълумки, мамлакатимиз 2030 йилга бориб ўртача даромадли давлатлар қаторига киришни режа қилган. Шу нуқта назардан, Бош вазир ўринбосари, иқтисодий тараққиёт ва камбағалликни қисқартириш вазири Жамшид Қўчқоровнинг ушбу фикрларини олдига олиш ўринли бўлади.

“Бизнинг прогнозларимизга кўра, 2030 йилга бориб, Ўзбекистон аҳолиси сони 40 миллион кишига етади, ялпи ички маҳсулот эса 160 миллиард долларни ташкил қилади. Бу билан эса аҳоли жон бошига тўғри келадиган ЯИМ 4000 АҚШ долларини ташкил этиши кутилмоқда. Халқаро молия институтларидаги ҳамкорларимиз бу жуда катта мақсад, деб айтиди. Ҳа, биз буну тушунамиз. Лекин ўйлаймики, Президентимиз раҳбарлигида бу мақсадга эришамиз”.

66

БЮДЖЕТНОМА БҲИЙЧА 2022 ЙИЛДАГИ ЯЛПИ ИЧКИ МАҲСУЛОТ ҲАЖМИ 839 989,5 МИЛЛИАРД СЎМНИ ЁКИ 74,2 МИЛЛАРД ДОЛЛАРНИ, УНИНГ АҲОЛИ ЖОН БОШИГА МИҚДОРИ 23,8 МИЛЛИОН СЎМНИ ЁКИ 2,1 МИНГ ДОЛЛАРНИ ТАШКИЛ ЭТИШИ РЕЖАЛАШТИРИЛГАН. ЖОРИЙ ЙИЛНИНГ БИРИНЧИ ЯРИМ ЙИЛЛИГИДА ЯЛПИ ИЧКИ МАҲСУЛОТ 394 ТРИЛЛИОН СЎМГА ЕТИБ, 2021 ЙИЛНИНГ ШУ ДАВРИГА НИСБАТАН 5,4 ФОИЗГА ЎСДИ.

Халқаро стандартларга кўра, аҳоли жон бошига йиллик даромади 1000 долларгача бўлса паст, 1000 доллардан 4000 долларгача ўртадан паст, 4000 доллардан юқори эса ўртачадан юқори, 10000 доллардан ошганлари юқори даромадли мамлакатлар қаторига киради.

АҲОЛИ ЖОН БОШИГА ДАРОМАДЛАР

Мамлакат ялпи ички маҳсулоти ҳажмининг умумий аҳоли сонига бўлиш орқали жон бошига тўғри келадиган миқдори аниқланади. Шу ўринда ўтган асрнинг охирига доир айрим рақамларга эътибор қаратсак.

Иқтисод фанлари доктори, профессор Аҳмад Улмасовнинг 1990 йилда “Гулистон” журналида чоп этилган “Фарзлар, муаммолар” мақоласида қайд этилишича, “Ўзбекистон иттифоқдаги иқтисодий жиҳатдан энг камбағал жумҳуриятлардан биридир. У аҳоли жон бошига яратилган миллий даромад, аҳоли даромади ва истеъмоли жиҳатидан охириги ўринларини эгаллайди. Масалан, ишчи ва хизматчи оиласининг жон бошига теккан бир ойлик даромад 1988 йили қуйидагича бўлди: Литва — 181,6 сўм, Эстония — 177,9 сўм, РСФСР — 165,1 сўм, Белоруссия — 163,6 сўм, Ўзбекистон — 100,6 сўм, Тожикистон — 80,7 сўм. Жамоат ҳўжалигида ишлайдиган оилаларда тафовутлар ҳам бундан оз эмас, жон бошига олган бир ойлик даромади жиҳатдан Ўзбекистон фақат Тожикистондан олдинда туради. Бу даромад Ўзбекистонда 70 сўм, Украинада 138,6 сўм, Грузияда 140 сўм, Молдавияда 129,9 сўмни ташкил этди”.

Мустақил Ўзбекистонни иқтисодий жиҳатдан ривожлантириш йўналишидаги янги ислохотлар 2017 йилдан бошлаб тубдан ўзгарди ва амалда ўз самарасини бера бошлади. Жумладан, 2017-2020 йилларда мамлакатимизнинг иқтисодий ўсиш даражаси 18,3 фоизни ташкил этиб, ЯИМ 60 миллиард долларга етди.

2030 йилга келиб аҳоли жон бошига ЯИМ 4000 долларга етиши натижасида биз халқаро стандартларга мувофиқ ўртача даромад даражаси юқори бўлган давлатлардан бирига айланамиз”.

2021 йил якунлари бўйича Ўзбекистонда ЯИМ ҳажми 734,6 триллион сўмни ёки 69 миллиард долларни ташкил этди. Бу кўрсаткич 2020 йилга нисбатан 7,4 фоизга ўсган. Аҳоли жон бошига ЯИМ эса 2020 йилга нисбатан 5,3 фоизга ортиб, 1983 доллар эквивалентига тенг бўлган.

даги ўрни, аҳамияти ва унга қўшаётган хиссасини таҳлил этишга замин яратди. Таҳлил натижалари ҳудудларнинг ўз ишлаб чиқариш имкониятлари, ресурслар потенциалидан қанчалик даражада фойдаланилаётганини баҳолашга имкон яратди, паст ҳисса қўшадиган ҳудудларнинг иқтисодий имкониятлари ва ўсиш суръатини ошириш манбаларини аниқлашга ёрдам беради.

Яқинда Прогнозлаштириш ва макрориктисодий тадқиқотлар институти экспертлари Ўзбекистонда трансформация жараёнлари моҳияти ва мамлакат



Бюджетнома бўйича 2022 йилдаги ялпи ички маҳсулот ҳажми 839 989,5 миллиард сўмни ёки 74,2 миллиард долларни, унинг аҳоли жон бошига миқдори 23,8 миллион сўмни ёки 2,1 минг долларни ташкил этиши режалаштирилган. Жорий йилнинг биринчи ярим йиллигида ялпи ички маҳсулот 394 триллион сўмга етиб, 2021 йилнинг шу даврига нисбатан 5,4 фоизга ўсди.

ҲУДУДЛАРНИНГ ИҚТИСОДИЙ КЎРСАТКИЧЛАРИ

Тадқиқотчилар фикрича, ҳудудлар иқтисодий ўсишининг таққослама таҳлили аниқ кўрсаткичлар орқали амалга оширилади. Биринчи умумий кўрсаткич, ҳудудларда яратилган ЯИМ ҳажми, уларнинг мамлакат ялпи ички маҳсулотидаги улуши. Бу кўрсаткичлар ҳудудларнинг мамлакатимиз иқтисодиёти

ривожланиши ҳудудий хусусиятларини аниқлаш мақсадида уларнинг иқтисодий ўсиш омилига бўйича таҳлилни эълон қилди. Тадқиқот Жаҳон банки томонидан ишлаб чиқилган JobGG (Job Generation and Growth Decomposition) декомпозицион таҳлили воситасида амалга оширилган. Бу воситадан иқтисодиётнинг асосий тармоқлари бўйича меҳнат унумдорлиги ва бандлик ўзгаришларининг жон бошига ялпи ички маҳсулотнинг ўсишига таъсирини баҳолашда фойдаланиб келинади. Мазкур услубнинг Ўзбекистон ҳудудлари учун қўлланилиши уларни ривожлантиришда энг муҳим тармоқлар ҳамда ишсизлик ва камбағаллик даражасини қисқартиришнинг устувор йўналишларини аниқлаш имконини беради.

Таҳлил натижаларига кўра, Тошкент, Наманган, Сирдарё, Навоий, Жиззах, Хоразм, Фарғона вилоятлари ва Қорақалпоғистонда иқтисодий ўсиш мамлакат ҳудудлари бўйича ўртача кўрсаткичдан (111 фоиз) юқори қийматларни қайд

этиб. Қолган оплита ҳудудда мўътадил ривожланиш даражалари (105,9-110,8 фоиз) кузатилган.

Асосий тармоқ қишлоқ ҳўжалиги бўлган (ЯИМдаги улуши 35-54 фоиз) Наманган, Жиззах, Хоразм, Фарғона вилоятлари ва Қорақалпоғистонда иқтисодий ўсиш билан бир қаторда, меҳнат унумдорлиги ҳамда аҳоли бандлик даражаси ортган. Бу ҳудудларда иқтисодиётни ривожлантириш янги ишлаб чиқариш қувватлари ташкил этиш ва самарали иш ўринларини яратиш орқали амалга оширилганидан далолат беради.

Тошкент ва Навоий вилоятлари каби юқори салоҳиятли ҳудудларда иқтисодий ўсиш (ЯИМнинг аҳоли жон боши улуши республика параметридан 1,3-2,8 баравар юқори), асосан, металлургия, ёқилги-энергетика мажмуаси каби устувор тармоқларни шакллантирувчи мавжуд базавий ишлаб чиқаришлар ривожланиши ҳисобига рўй берган. Ушбу ҳудудларнинг юқори самарали фаолият турлари хизмат кўрсатиши ва саноат соҳаларига иxtиссослашгани билан ажралади туради.

Иқтисодий ўсишнинг нисбатан паст даражалари аҳоли зич жойлашган Андижон ва Қашқадарё вилоятларига тўғри келади. Ушбу ҳолат 2019-2021

таълим билан қамров даражаси 32 фоиздан 76 фоизга ўсган, 26 минг 400 та турар жой барпо этилган.

Аммо шунча саъй-ҳаракатларга, ушбу ҳудудга ажратилган катта-катта маблағларга қарамай, ичимлик сув, ички йўллар, электр таъминоти, ишсизлик, нарх-наво каби масалаларда муаммолар йўқ эмас. Шу боис, эндиликда “Ғузор — Бухоро — Нукус — Бейнеу” автомобиль йўлининг Тўртқўл, Беруний ва Элпикқалъа туманлари ҳудудидан ўтувчи қисмини реконструкция қилиш учун 160 миллион доллар ажратилди. Яқин келажакда Қорақалпоғистонда халқаро ва ички йўлларни ривожлантириш бўйича алоҳида дастур ишлаб чиқилади. Бундан ташқари, сув таъминоти тармоқлари, қудуқлар, насос ва сув босими станцияларини таъмирлаш учун зарур маблағ ажратилади. Нукус шаҳрида, Тахياتош ва Ҳўжайли туманлари марказларида канализация тармоқлари қурилади.

Умуман олганда, Қорақалпоғистоннинг 2022-2026 йилларда ялпи ҳудудий маҳсулот ҳажминини 1,5, саноат маҳсулотлари ҳажминини 1,5, қишлоқ ҳўжалиги ишлаб чиқаришини 1,2, хизматлар ҳажминини 2,9 ҳамда қурилиш ишлари ҳажминини 1,4 бараварга оширишни назарда тутувчи шаҳар ва туманлар кесимидagi мақсадли кўрсаткичлар параметрлари ишлаб чиқилди ва ҳаётга татбиқ этиляпти.

ИСЛОХОТЛАРНИНГ КЕЙИНГИ БОСҚИЧИ

Президентимиз шу йил 20 сентябрь кунги ислохотларни янада жадаллаштириш ва натижадорлигини таъминлаш масалалари бўйича ўтказилган йиғилишда охириги йиллар мамлакатимизда туб ислохотлар даври бўлганини, қўллаб-қўлланган даврнинг биринчи навбатдаги муаммолар ҳал этилганини алоҳида эътироф этди.

Эндиликда, жаҳондаги тез ўзгаришчан сиёсий-иқтисодий вазиятни инноватсион равишда баҳорор ўсиши давом эттириш, аҳолининг яшаш тарзи ва турмуш шароитларини янада яхшилаш мақсадида ислохотларнинг кейинги босқичини амалга ошириш зарур. Энг асосийси, бу ислохотларни шошмасдан, мантқиқий кетма-кетликда ва тизимли амалга ошириш керак. Шу мақсадда давлатимиз раҳбарининг 9 сентябрдаги фармони билан Ўзбекистон Республикаси Президенти ҳузурида Стратегик ислохотлар агентлиги ташкил этилди.

— Ислохотлар натижасида ижобий ўзгариш бўлиши, одамлар буну ўз ҳаётида сезиши керак. Агентлик бунинг учун устувор ислохотларни аниқлайдиган, уларни ўзаро мувофиқлаштирадиган ва натижадорлигини таъминлайдиган тизимга айланиши лозим, — деди давлатимиз раҳбари.

Алоҳида соҳа ва тармоқларни ислохот қилиш бўйича таққослаш ишлаб чиқиш, ислохотларнинг устуворлиги ва мантқиқий кетма-кетлигини белгилаш, давлат дастурлари ихросини мониторинг қилиш, тизимли муаммоларни аниқлаш ва тегишли чоралар қўриш шундай муҳим вазифалар сирасига киради. Масалан, таҳлиллар қишлоқ ва сув ҳўжалиги, ер муносабатлари, иқтисодиётда давлат улушини қисқартириш, транспорт, коммунал ҳўжалиги, тиббиёт каби соҳаларда қўйилган мақсадларга эришилганини кўрсатмоқда. Стратегик ислохотлар агентлиги бундай муаммоларни танқидий таҳлил қилиб, ишни жадаллаштириш бўйича аниқ чора-тадбирлар белгилайди. Бу, иш ўринлари қўлайиши ва аҳоли даромадлари ўсиши учун иқтисодиётнинг устувор тармоқларини аниқлашда муҳим ўрин тутди.

Иқтисодий тадқиқотлар ва ислохотлар маркази 2022 йил учун ЯИМ прогнозларини батафсил, катта маълумотлар оқимига асосланган янги ёндашув (ноукастинг) ёрдамида ҳисоблаш чикди. Унга кўра, ЯИМнинг реал ўсиш суръати 5,77 фоиз даражасида прогноз қилинмоқда.

